



## Australian Government

# Cov lus Cuav thiab lus Tseeb txog tus kabmob Coronavirus (COVID-19)

### **LUS CUAU:** Cov tshuaj tua kabmob antibiotics thiab tshuaj tua kabmob antimalarial kho tau tus kabmob Coronavirus

**LUS TSEEB:** Tseem tsis tau muaj ib yam tshuaj tiv-thaiv thiab kho tau tus kabmob coronavirus.

Cov kws tshawb fawb nyob thoob ntiaj teb tseem tabtom nrhiav tus tshuaj los kho tus kabmob khaub thuas no tabsis peb tseem tsis tau paub tias xyov yuav siv lub caij ntev npaum licas. Kwv yees tias yuav siv sijhawm li 12 losyog 18 lub hlis thiaj yuav nrhiav tau.

Cov kws tshawb fawb tseem tabtom siv lwm yam tshuaj los kho tus mob coronavirus xwsl cov tshuaj kho tus mob laug arthritis, cov tshuaj kho kabmob malaria thiab kho HIV. Cov tshuaj no yuav kho tsis tau tus kabmob coronavirus tabsis tejzaum yuav pab ua rau kom cov neeg kis tus kabmob tsawg zog tuaj thiab tsis txhob mob nyhav heev.

Nws tseemceeb heev ntawm peb yuav tsum siv lwm yam tshuaj los pib kho tus kabmob no es tsis txhob tos kom tau cov tshuaj tiv-thaiv thiab kho tus kabmob coronavirus no es peb mam pib kho – vimlino, Australia tebchaw thiaj pib siv ntau yam tshuavj coj los sim kho tus kabmob no rau pejxeem.

### **LUS CUAU:** Menyaum yaus yog cov kis tus kabmob coronavirus rau lwm tus ntau tshaj plaws

**LUS TSEEB:** Txawm hais tias menyuum yuav yog cov sawvdaws paub tias nyiam kis kabmob rau lwm tus heev (super spreaders) tabsis lawv tsuas yog kis cov khaub thuas influenza xwb, nws tsis yog kis cov khaub thuas coronavirus. Nws tseem tsis tau muaj ntau ntawv tshawb fawb nyob ntiaj teb no ua pov-thawj qhia tau tias menyuum yaus yog cov kis tus kabmob rau lwm tus ntau tshaj. Qhov no tseem tsis tau puab tseeb, tejzaum nws ho yog muaj tiag los kuj tsis paub thiab. Rawsl cov pov-thawj tshwm sim, nws qhia tau tias menyuum yaus tsis yog cov kis tus kabmob coronavirus mus rau lwm tus ntau.

### **LUV CUAU:** Tebchaws Australia tsis muaj cov twj-taig khoom siv khomob txaus xws li - ventilators, masks, testing kits thiab cov chaw muag cov khoom siv no.

**LUS TSEEB:** Thov qhia rau cov neeg mob thiab cov neeg ua haujlwm khomob paub qhov tseeb tias – Tebchaws Australia yeej muaj cov twj-taig thiab khoom siv khomob txaus

rau cov neeg muaj mob. Nws tsuas muaj qho yam kev txheeb-xyuas uas tsawg zog vim cov neeg mob muaj coob thoob ntiaj teb ces thiaj ua cov khoom siv tawm los tsis txaus sawvdaws siv xwb.

Thov kom cov kws khomob thiab neeg khomob paub tais, cov khoom siv hnav tiv-thaiv lawv tus kheej yeej muaj xa tuaj tsis tu rau cov tsev khomob xwv lawv thiaj li yuav muaj txaus hnav tiv-thaiv lawv tus kheej mus khomob rau cov neeg mob. Nyob rau hauv lub tsev rau-khoom the National Medical Stockpile, nws tseem tshuav tshaj 10 million daim ntaub qhwv qhov-ncauj. Tseefwv Australia yeej npaj kom muaj cov ntaub qhwv qhov-ncauj ntau tso rau hauv lub tsev rau-khoom the National Medical Stockpile xwv cov kws khomob thiab neeg saib mob thiajli yuav muaj cov khoom txaus siv mus txog thaum tus mob dhau lawm. Lawv yuav pab cov tsev ua/xyaw cov khoom siv no kom muaj ntau lub tuaj xwv thiajli yuav muaj txaus siv.

Nws muaj txog 2,200 lub txaj muaj tshuab ua pa ventilated khomob nyob rau hauv Australia. Tabsis nyob rau 6 lub lispiam tag los no lawv tau muab cov tshuab anaesthetic machines thiab lwm yam tshuab equipments txhim kho tag ces tamsis no peb muaj txog 4,400 lub txaj khombo ventilated beds lawm thiab nyaj tsis ntev no ces peb yuav muaj cov txaj khomob no nce ntxiv mus txog li 7,500 lub. Nyob rau lub 4 hlis ntuj xiab no, cov neeg mob coronavirus nyhav uas pw hauv ICU ntawm siv cov txaj ventilator yog 20 leej.

Australian Pawg txwj-laug saib xyuas kev mob The Communicable Diseases Network yeej muaj kev sablaj sibtham ib hnuv ib zaug txog txojkev txheeb-xyuas testing xwv lawv thiaj li paub tias txojkev kev txheeb-xyuas txoj twg thiaj yog txoj testing tseemceeb.

## **LUS CUAU:** Australian cov tsev khomob ntshais yuav tsis muaj peevxwm kho tau tus kabmob coronavirus.

**LUS TSEEB:** Australian cov tsev khomob tseemfwv thiab tsev khomob ntiav tau sib koom tes los kho tus mob no uake. Nws yog ib txojkev sibpab tshwjxeeb loj ntawm cov tseemfwv Australia nrog rau cov thawjcoj txhua lub xeev thiab cov tsev khomob ntiav tau los muab kev sibkom tes xwv lawv thiaj li npaj tau muaj txog 34,000 lub txaj thiab 105,000 tus kws khomob nyob thoob plaws tebchaws npaj los kho cov neeg mob coronavirus.

Cov tsev khomob ntiav yuav pab khomob rau tsoom pejxeem uas kis tus mob, yuav pab cov twj-taig khoom siv khomob, cov txaj pw thiab cov kws khomob los ntxiv rau cov tsev khomob tseemfwv.

Lawv yuav saib cov neeg uas yuav tau pw ntev nyob rau hauv tseemfwv cov tsev khomob uas muaj cai tau txais cov nyaj pab kev khomob xiam-oob-khab (NDIS), thiab cov neeg laus thiab lwm cov neeg mob thuaj-pais.

Txojkev sibkoom tes ntawm ob hom tsev khomob no yog ib txojkev zoo ntawm sawvdaws yuav los sib pab siv txojkev khomob uas zoo tshaj plaws los khomob cov neeg uas tau tus kabmob no.

## **LUS CUAU:** Yog muab sawvdaws kaw cia li ob lub lis-piam ces tus kabmob coronavirus yeej tsum tsis sibkis lawm.

**LUS TSEEB:** txawm yuav muab sawvdaws kaw mus li ob losyog peb lub lis-piam tag es tso sawvdaws tawm los ua neej zoo liqub, los tus kabmob coronavirus tseem yuav sib kis tau.

Qhov uas tsis zoo ntawm muab sawvdaws kaw li ob lub lis-piam ces yog tias; tejzaum ntshais tseem yuav ua rau kom muaj kev sibkis tus kabmob ntau tshaj yav dhau los.

Muaj ib txhia neeg nug tias ua cas peb ho tsis muab lub tebchaws kaw kiag tag rho li lwm lub tebchaws. Qhov tsis kaw li cov tebchaws xwsi Italy, Spain thiab Iran thiab lub nroog Wuhan nyob Suav teb los yeeb vim tias peb lub tebchaws xub muaj kev ceevfaj thiajli tsis muaj kev sibkis tus kabmob npaum li lawv cov tebchaws.

Thaum lub sijhawm cov thawjcoj kev khomob nyob hauv cov tebchaws no paub txog tus kabmob ces thaum ntawd tus kabmob coronavirus twb sibkis ntau heev cuag li hluav-taws lawm. Vim lino, cov tsev khomob nyob rau cov tebchaws no thiaj ntsib teebmeem tsis paub yuav kho cov neeg mob heev.

Peb cov thawjcoj saib kev khomob nyob Australia yeej txheeb-xyuas cov neeg mob tshiab txhua hnub thiab taug xyuas saib lawv kis qhov twg los. Lawv yog pawg neeg uas qhia saib yuav muaj kev dabtsi txwv ntxiv rau yav tom ntej xwv thiajli yuav pab kom tus mob no tsis txhob sibkis tau ntau. Sawvdaws yuav tau mus qhib xyuas hauv [www.australia.gov.au](http://www.australia.gov.au) xwv thiajli paub tias muaj kev dabtsi txwv-txiav tsis pub ua.

## **LUS CUAU:** Yog muaj kev txheeb-xyuas sawvdaws ces yuav ua kom tus kabmob coronavirus tsis sibkis

**LUS TSEEB:** Kev txheeb-xyuas testing tsis ua rau kom tus kabmob tsum tsis sibkis.

Tus kabmob COVID-19 kis mus rau ib tug rau ib tug. Tib txojkev ntawm yuav tiv-thaiv ces kom sawvdaws nyob sib nrug-deb txhua zaus thaum sib ntsib, nyob twjywm hauv tsev yog tias koj tsis xis-neej. Qhov no yog qhov yuav tiv-thaiv kom tus kabmob tsis sibkis tau.

Txojkev txheeb-xyuas Testing saib tus neeg uas muaj-ntsis mob sib-thooj zoo li tus kabmob COVID-19 puas yog mob tseeb, yuav pab kom peb taug-xyuas saib tus kabmob sibkis los licas xwv peb thiaj paub tiv-thaiv kom tsis txhob sibkis tau mus ntxiv. Yog peb paub tias ib tug tibneeg twg mob lawm, tus tibneeg ntawd yuav tsum cais mus nyob nws ib leeg ces peb mam taug xyuas saib cov neeg uas tus neeg mob no mus ntsib yog leej twg xwv peb thiaj paub tiv-thaiv kom tsis txhob sibkis tau mus ntxiv.

Txawm tias muaj kev txheeb-xyuas tag es pom tau tias koj tsis muaj tus mob COVID-19 no, tabsis qhov no tsis txhais tias koj yuav tsis muaj tus mob no losyog koj yuav kis tsis tau tus mob no mus rau lwm tus. Tejzaum koj yuav xub txheeb-xyuas testing tag tias koj tsis muaj tus mob COVID -19 tabsis tomqab koj hom mob los muaj. Nag hmo koj tau txheeb-xyuas tag tias tsis muaj tus mob tabsis tagkis koj twb ho muaj tus mob lawm los kuj muaj tibi. Vim lino nws thiaj tseemceeb heev ntawm sawvdaws yuavtsum tau ntxuav-tes kom huv-si thiab nyob sib nrug-deb, thiab nyob twjywm hauv tsev tsuas tawm hauv tsev mus thaum muaj haujlwm tseemceeb tiag-tiag xwb. Nov yog qhov yuav pab tiv-thaiv tus mob COVID -19 thiab lwm yam kab mob kom tsis txhob sibkis tau, ces peb cov tsev khomob thiaj tsis ua haujlwm sab heev.

## **LUS CUAU:** Cov twj-taig siv ua kev txheeb-xyuas Testing qhia tsis tau qhov tseeb tiag

**LUS TSEEB:** Txojkev txheeb-xyuas testing tus kabmob COVID-19 uas siv tamsis no yog hu ua Nucleic acid amplification (Polymerase chain reaction (PCR)), qhia tau meej thiab tseeb heev. Tus kws khomob yuavtsum siv ib tug pas cev mus so ib qhov kua caj-pas thaib

kua-ntswg ntawm tus neeg mob coj mus kuaj. Tamsis no cov twj-taig khoom siv txheeb-xyuas puav-leej chiv ua nyob lwm tebchaws tuaj xwb, feem ntau yog ua nyob rau cov tebchaws phab Europe thiab Asia. Tamsis no cov tsev muag cov khoom siv txheeb-xyuas testing thiab cov chaw txheeb xyuas hauv cov xeev nyias tseem siv nyias cov khoom txheeb-xyuas sib txawv. Tabsis qhov tseemceeb lawv sawvdaws siv tib txojkev txheeb-xyuas (same testing methodologies). Tamsis no lawv tseem muaj teebmeem txog cov kev txheeb-xyuas vim cov twj-taig coj los siv txheeb-xyuas muaj tsis txaus rau qhov tebchaws nyob thoob ntiaj teb no tsis hais lub twg los yeej xav tau. Kev siv cov antibody tests tsis qhia kom paub tseeb ces lawv thiaj tsis pom zoo kom siv ntxiv lawm.

Tseemfww Australian tau ua haujlwm uake sib-ze nrog cov tsev kuaj kabmob laboratories uas nyob hauv pawg tsev kuaj kabmob Public Health Laboratory Network thiab chaw muag cov khoom siv khomob (suppliers) xwv lawv thiaj li yuav teem yuav khoom tau zoo thiab taug xyuas nug yuav khoom ntawm lwm lub tsev muag khoom npaj tseg kom tebchaws Australia thiajli yuav muaj cov koom siv coj los khomob thiab kuaj txheeb-xyuas tus mob coronavirus no txhij-txhua.

*Mus qhib lub vaj-sab website no saib tsis so xwv koj thiajli yuav paub txog tseemfww Australia txojkev npaj tiv-thaiv kho tus kabmob COVID-19.*

*Nws muaj ntau yam ntawv uas txhais sau ua ntau yam lus qhia txog tus kabmob COVID-19 no nyog rau hauv [SBS](#). Tshooj ntxiv no, koj siv cov application hauv xovtooj coj koj mus nrhiav tseemfww cov ntaub ntawv nthuav xov thiab yam koj xav paub los tau tibi.*

*Yog koj xav paub cov lus sau ua ntawv Askiv, thov mus xyuas hauv [www.australia.gov.au](http://www.australia.gov.au).*